

大清仁宗睿皇帝實錄

大清仁宗受天興運敷化綏猷崇文經武孝恭

勤儉端敏英哲睿皇帝實錄卷之五十二

監修總裁官經筵日講起居注官太子太傅武英殿大學士文淵閣領閣事務稽察欽奉 上諭事件處管理工部事務翰林院掌院學士蘭第

加二級尋常加四級臣曹振鏞總裁官太子太保文淵閣大學士管理刑部事務加五級臣戴均元經筵日講起居注官太子少保內大臣文淵閣提舉閣

事務稽察欽奉 上諭事件處協辦大學士戶部尚書翰林院掌院學士敦晉恩吉士總管內務府大臣鑲黃旗滿洲都統步軍統領管理戶部主庫

奉宸苑清漪園等處總理工程處御茶膳房御藥房太醫院西洋堂事務軍功加三級隨帶加二級尋常加十三級紀錄二十次臣英和經

筵講官太子太保禮部尚書上書房行走武英殿總裁管理國子監事務加六級隨帶加二級紀錄四次臣汪廷珍等奉

教修

嘉慶四年己未九月辛未

上以

皇四子未月卒

高宗純皇帝

孝賢純皇后

孝儀純皇后神主升祔

太廟先期遣官告祭

天

地

太廟

皇四子未月卒

社稷○加賞兼管太常寺事護軍統領扎郎阿

少卿明志。滿漢司員各一級。以前此施恩未及太常寺也。○以

高宗純皇帝

孝賢純皇后

孝儀純皇后升祔

太廟。自是日始齋戒三日。○迴鑾駐蹕白澗行

宮。○壬申遣官祭

高歷代帝王廟。○諭內閣本月十九日恭奉

高宗純皇帝升祔

御宗憲皇帝實錄 卷五十二
奉先殿前殿禮成後著儀親王永璵恭請

高宗純皇帝神牌成親王永璵恭請

孝賢純皇后神牌慶郡王永璵恭請

孝儀純皇后神牌奉安

奉先殿後殿東室○又諭向來朕出入西華門

時隨從之御前大臣御前額駙應在紫禁城

內騎馬者皆於西牌樓門階下上馬下馬若

出入東華門則上馬下馬俱在門外體制未

為畫一嗣後朕出入東華門應騎馬隨侍者

若經由文華門前。則著在東牌樓門階下上馬下馬。若經由三座門夾道行走。俱著在夾道門外井邊上馬下馬。○諭軍機大臣等。前因李淑等股竄入二竹。急需勦辦。諭令額勒登保赴湖北會同倭什布協勦。今李淑徐添德竄回川境。而王登廷與鮮大川苟文明再添元合夥肆擾。又有張世隴阮正澄二股竄至廣元。以現在而論。川省尤重。今額勒登保酌量緩急。即在川省督兵攔截。深合機宜。現

已授額勒登保為經畧。各路皆其統領。惟伊
於漢文不甚諳曉。此後當將伊一路勦賊情
形。隨時速奏。其餘各路。可無需代為奏報。當
以勒保為鑒。不可如彼之安坐軍營。惟知彙
報塞責也。將此傳諭知之。○是日。駐蹕烟郊
行宮。○癸酉。

上詣

黃幄行禮。恭送

黃輿啟行後。由閒道回京。命儀親王永璇恭代。

行夕奠禮。○諭內閣慶溥。溫承惠。自春夏以來。在平利一帶。節次堵禦賊匪。俱屬出力。茲據松筠奏。由湖北竹山竄至平利之熊姓一股賊匪。復經慶溥。溫承惠。督率兵勇。殲斃賊匪六百餘名。所辦殊為奮勉。可嘉。慶溥著加恩賞還花翎。並交部議敘。溫承惠著交部議敘。伊現經服闋。即著以按察使銜。補授陝西延榆綏道。○諭軍機大臣等。那彥成奏稱。如有失誤軍機。情真罪當者。大員嚴叅治罪。將

弁以下。一面奏聞。一面以軍法從事等語。軍營疲玩積習。自當力為整頓。以期壁壘一新。若兵丁等有干紀律。原應即時懲辦。至將弁以下。必當按罪詳覈。方可置之重典。即如永保延玩避賊。已屬確鑿。何難即辦。而朕猶必交那彥成等審擬。又如已革將軍富成。遊擊尤漢玉。俱因勦賊不力。拏問審明。後因有一線可原。未予重辟。此朕於整飭軍紀之中。仍寓明慎欽恤之意。那彥成當仰體朕懷。慎重

辦理。且本朝經畧大臣。亦從無先斬後奏之
事。況欽差乎。蓋人命至重。萬一罪狀未確。所
關匪細。此正朕愛惜那彥成處。那彥成當倍
加詳慎。如查有實係失誤軍機者。即微末員
弁。俱按律定擬。候旨遵行。豈得自行專擅耶。
將此傳諭知之。○甲戌。儀親王永璇詣

黃幄。恭代行朝奠禮。卯刻。

上御朝服。詣端門外恭俟。

神牌黃輿至。

上跪迎至甌城門外

上詣

黃輿前行禮親捧

神牌入

太廟代行謁

列祖

列后禮迺恭捧

高宗純皇帝神牌奉安

聖祖仁皇帝之次

孝賢純皇后神牌

孝儀純皇后神牌以次奉安行升祔禮如時享

儀禮畢

上更禮服詣

奉先殿奉安

高宗純皇帝

孝賢純皇后

孝儀純皇后神牌於

前殿行禮如朔望大祭儀○以

裕陵

享殿奉安

神牌遣榮郡王綿億恭代行禮○以升祔

太廟禮成。頒詔天下。詔曰。朕惟詩頌思成。受命
篤溥。將之慶。易稱殷薦。繫文稽萃。渙之占。世
德作求。虔奉上儀。而登祔。思皇多祐。允敷大
澤。以頒綸。載考徽章。丕昭懿架。欽惟

皇考高宗純皇帝

乾符廣運

鼎祚熾昌乎

帝載以欽崇篤

皇穹之眷佑。繼述炳馨香之治。敷賁訐謨。經綸
兼創守之勲。宣昭茂緒。日孜月矻。繹政典以
求寧。堂敞廉箴。勗官常而贊治。議道自己。庶
績其凝。用中於民。彝倫攸敘。

思周禹服。農題遞進於楓墀。屏揭幽圖。時紀遙
諳於節屋。惠心勿問其益。元方簡孚有稽。維
良折獄。撫辰觀化。絢景慶於天文。迪道敷言。

闡典謨於

聖誨鴻成耆定逾三萬以開疆駿烈布昭歲十
全而羸績道洽政治允升於大猷綱舉目張
以庥於前政惇大成裕

至誠徵行健之原悠久無疆醲化際純熙之會

綏萬邦而怙冒莫不尊親崇

九廟之烝嘗是用孝享

皇妣孝賢純皇后

儀天立極

炳月垂光。穆雍章彤史之型。宮廷佐。恩。養。祇敬。朔。丹宸之治。壺掖宣慈。皇妣孝儀純皇后。

厚載同符。

思齊儷德。揚庥內政。殫誠敬以承襄。毓慶中聞。篤恩勤於顧復。本仁祖義。肇裡允叶。高夫同尊。假廟饗親。舉典聿隆。夫合祔。謹率諸王貝勒。文武羣臣。於嘉慶四年九月十九日。

恭奉

高宗法天隆運至誠先覺體元立極敷文奮武
孝慈神聖純皇帝神位。

孝賢誠正敦穆仁惠輔天昌聖純皇后神位。

孝儀恭順康裕慈仁翼天毓聖純皇后神位。合
祔於

太廟。延禧姬錄卜年世而彌增景範堯門升几
筵而有恪既襄盛典宜沛鴻施所有事宜開
列於後。一。內外大小各官於從前恩詔後升